

中國地理課本
全

026631-000-2

187-271

中国地理課本

辻 武雄/著

M36

ADD-0317



序

在昔神禹奠定九州禹貢一篇實爲吾華地理之鼻祖肇端于隨山濬川告成于東漸西被神明所注若是其遠也然而卷不盈握讀者易終而能神其用于修六府正庶士若卜類若動植若工事風土人情纖微畢具足使讀者感發興起知有以振其聰明才力而不徒逐于章句之末其諸即古初科學之善本歟厥後撰地志者局于方輿昧于域外元和郡縣太平寰宇諸書卷帙甚繁徒具形色無足啓人神志苟非專門名家幾窮老不知地員之說又何能以責童稚今吾國興學校定學科欲使人人爲當世之學知當世之務而地理善

序

在昔神禹奠定九州禹貢一篇實爲吾華地理之鼻祖肇端
于隨山濬川告成于東漸西被神明所注若是其遠也然而
卷不盈握讀者易終而能神其用于修六府正庶士若外類
若動植若工事風土人情纖微畢具足使讀者感發興起知
有以振其聰明才力而不徒逐于章句之末其諸即古初科
學之善本歟厥後撰地志者局于方輿昧于域外元和郡縣
太平寰宇諸書卷帙甚繁徒具形色無足啓人神志苟非專
門名家幾窮老不知地員之說又何能以責童稚今吾國興
學校定課程欲使人人爲當世之學知當世之務而地理書

本甚鈔有心教育者想焉憂之日本辻君武雄博雅士也所撰五大洲志甚精覈久已風行海內又出初學地理課本見示發列國競爭之大凡著吾國名山大川物產之可寶義務博大詞務簡淺常師易以相授而粗識文義之子弟易以卒讀人非木石果審知環球大勢所趨其愛國之心有不油然而生者非人情也今吾國亦競言教育精神矣要知精神無所附麗則師弟授受亦無憑以達其意旨今辻君此書迨所謂寓精神于形色者歟吾願讀是書者不徒于形色求之則昀昀夏甸庶幾其有焉也敢誌數言爲批糠之前導

大清光緒癸卯秋七 日本留學生總監督汪大燮

自序

憤之爲用大矣匹夫而憤則可以立其身衆民而憤則可以興其國清國之與我也情如兄弟勢成唇齒今日之勢內憂外患國步艱難爲人民者安可不大憤哉然發憤者難望於老翁惟期於少年余著是書亦欲使諸子讀之而憤以效用于國家耳

明治三十六年歲次癸卯八月下澣

劔堂 辻 武雄

凡例

一編者是書。在充中國新設之小學堂高等班。及中學堂初等班生徒所用之課本。

一 是書專爲初學者而設。祇從淺近。書中並不多述。其詳則別有拙著東亞三國地志。讀者就其中支那地理一門。閱覽參照。則尤便焉。

一 是書之末尾。揭世界列國形勢一覽表。及中國各外國通商口岸貿易一覽表。以便教習之教授。與生徒之自修。

一 是書中面積、道路、河川等里程。係依中國里數。其人口、兵備、貿易等數目。亦係最近之調查。確寔無疑。

中國地理課本

目錄

第一章 緒言

第二章 汎論篇


第三章 地文篇

第四章 人文篇


第五章 行省篇

第六章 外藩篇

大清帝國全圖



大清帝國全國圖






九例

——	外國界
——	六部界
——	省界
——	長城
——	長橋
——	驛路
——	既設鐵路
○	府
□	省城
●	京都
○	沙漢
—	運河
—	湖水
—	河流

一分万百三千一尺例比

圖 清

五十八 九 五十九 百 五十一 五十二



九例

<ul style="list-style-type: none"> 外國界 六部界 省界 長城 長橋 縣路 既設鐵路 豫設鐵路 陸上電線 海底電線 航路 山脈 	<ul style="list-style-type: none"> 河流 湖水 運河 沙漠 京都 省城 州府 縣 名邑 通商口岸 鐵路互市塔
--	--

一分萬百三
里

十八 五十八 十九 五十九 百 五百 五十一 十二百 五十二

中國地理課本

日本 辻 武雄著

第一章 緒言

試展輿圖亞細亞洲之中有大國焉天山擁其左東海當其右土地之膏腴形勢之雄偉宇內無有出其上者噫是何國也是不即我所生長之華夏耶華夏之爲國也其方域則三千萬里其人口則四萬萬衆崑崙山則巖巖然高聳於西揚子江則洋洋乎朝宗於海其山嶽蘊五金其礦產甲地球其平野產百穀茶絲利給天下

况自古以來。文化之開最早。聖賢輩出。彙傑時生。或治水土。民生賴以安居。或講富強。竹帛垂其名譽。武功既服於萬里之外。教化亦盛於千載以前。試觀河北一帶。野曠天低。黃雲壓于絕塞。白草橫連千里。牧馬高嘶。壯士發撫髀之嘆。飛鴻斜度。征人興斷腸之思。易水滔滔。荆柯之雄風猶在。長城巍巍。始皇之遠略可追。由今溯古。莫不悲歌慷慨。令人動心。至若江南之地。山明水秀。百花如錦。芳草似茵。蘭橈蕩漾於碧波之中。畫樓隱見於綠楊之岸。琵琶聲動。坐懷舊事於樂天。風月光明。轉羨壯觀於太白。文章風物。無不綺麗美媚。令人流連。且

夫蜀峽之水。浪華澎湃。怒轉灘石。實爲西陲之絕險。浙江之潮。白馬蹴天。聲若雷霆。可謂中原之鉅觀。嗚呼。壯哉斯國。美哉是鄉。何以國勢危急。一至於此。蓋今日之世界。萬國對峙。謀富謀強。雖至天涯地角。利之所在。無不窺伺。而况東亞諸區。尤爲其垂涎者乎。當是時。我中國之現勢。國權不振。外侮憑陵。既傷鐵路之權。又讓鑛產之利。名山大澤。任敵騎之蹂躪。子女玉帛。爲異種所攫奪。其前途岌岌乎其危哉。吾黨少壯有志之士。苟其發憤爲雄。以愛君報國。內救邦家之危急。外拒異種之憑陵。豈非今日之所要務耶。雖然。欲達時務。當先知萬

國之情形欲知情形必先明全球之地理庶乎物有本末事有先後知彼知己審遠審近此吾黨之所以先考中國地理也。

第二章 汎論篇

中國在東亞之西部東從東經約一百三十四度四十分西迄東經約七十三度南從北緯約十八度二十二分北迄北緯約五十度零六分其境界北因阿爾泰山外興安嶺及黑龍江界俄領之西伯利亞南濱南海又因喜馬拉山脈接于安南及緬甸印度西有葱嶺

汎論篇

位置

境界

及天山廣中亞細亞東則有烏蘇里河境西伯利亞又因鴨綠江長白山脈及圖們江而連朝鮮之北部又隔黃海及東海對朝鮮及日本之西南部東西長約七千八百餘里南北廣約五千四百餘里面積約三千零六十三萬二千九百方里殆占東亞陸地十分之九據亞洲全土三分之一

中國因山川形勢便宜施政總分爲本部滿洲蒙古伊犁西藏青海六部更分爲直省二十二及外藩三列舉于左。

本部

區劃

面積

廣狹

(一)本部

直隸	山東	山西	河南	江蘇	安徽	江西	浙江
福建	廣東	廣西	湖北	湖南	陝西	甘肅	四川
雲南	貴州	(以上直省)					
(二) 滿洲							
盛京 吉林 黑龍江(以上直省)							
(三) 伊犁							
新疆(直省)							
(四) 蒙古(外藩)							
(五) 西藏(同上)							
(六) 青海(同上)							

沿海 中國之沿海。東從朝鮮交界之鴨綠江口。西迄廣東省
 欽州之極南。其長約六千餘里。殆成半圓之狀。而其沿
 海。總分爲渤海、黃海、東海、南海四部。渤海者。在沿海之
 最北部。盛京省之西部。直隸省之東部。及山東省之北
 部。面積長約七百二十里。濶約四百二十里。黃海者。從
 直隸海峽以東。迄於揚子江口以北是也。盛京省之南
 部。山東省之東北部。及江蘇省之東部濱焉。東海者。從
 揚子江口以南。迄于臺灣海峽之間是也。江蘇、浙江及
 福建三省之東部瀕焉。南海者。一名支那海。從臺灣海
 峽以南。迄於東京灣是也。

地文篇

第三章 地文篇

地勢

山嶽部

中國之地勢。總分爲山嶽、丘陵、原野、沙漠四部。山嶽之地。則土地崇高。山峯層疊。交通尤艱。即如西藏、新疆、蒙古、雲南、四川、貴州、甘肅、陝西、山西各省。及滿洲之北部。是也。丘陵之地。則地不甚高。丘陵起伏。來往稍艱。即如揚子江以南、福建、江西、湖北、湖南、廣西、廣東各省。及滿洲之東南部。是也。原野之地。則土地平坦。曠野遠連。道路四通。即如直隸、山東、江蘇、安徽、河南、浙江各省。是也。沙漠之地。則砂磧徧地。一望無涯。殆所謂不毛無人之地。

原野部

丘陵部

沙漠部

山嶽

喜馬拉山脈

天山山脈

阿爾泰山脈

崑崙山脈

地。即如新疆之一部。及蒙古之大半是也。

中國之山脈。分爲四道。在于西南者。爲喜馬拉山脈。在于西北者。爲天山及阿爾泰山脈。在於中間者。爲崑崙山脈。喜馬拉山脈。起于噶什密爾之東邊。盡于布刺馬浦特刺河之西岸。以隔于西藏及印度之交界。天山山脈。在伊犁、中亞細亞之交界。接于葱嶺北。分爲二道。其一蜿蜒而赴西北。其一奔走而來東北。阿爾泰山脈。在額爾齊斯、恩尼西兩河之間。爲中亞細亞及西伯利亞之交界。此山脈。分爲二嶺。其一走于東北。其一從西徂東。崑崙山脈。起于西藏之北部。漸走至東方。入于蒙古。

雪山

及本部之間。至于滿洲朝鮮交界之地。其他雪山脈亦橫斷西藏四川雲南之間。

河流

中國地大山高。是以江河互于國中。聯絡不一。其有關于今日而水勢之最大者。則惟為揚子江。黃河。白河。及珠江而已。揚子江者。亞細亞洲中第三之大川也。其水勢之大。宇內無有出其右者矣。其源發于青海巴顏喀喇山脈中之雪山。漸流向東南。入于本部雲南省。既過麗江府。至于四川省。與岷江。鴉龍江。嘉陵江。烏江諸水相合。入于湖北省。南與洞庭湖口相會。又東北至武昌。漢陽之間。與漢水合流。又東南而入于江西省。南與鄱

揚子江

黃河

陽湖口相接。又東北入于安徽省。東入于江蘇省。過江寧鎮江。漸注入于東海。其長約八千四百里。水勢洪大。舟楫利便。而崇明島。橫于江口。宛似喉舌。其沿岸一帶。田地肥沃。物產最饒。其間外國通商口岸。有十處。曰重慶。曰宜昌。曰沙市。曰漢口。曰武昌。曰九江。曰蕪湖。曰江寧。曰鎮江。曰吳淞是也。黃河者。第二之大川也。其源在青海巴顏喀喇山脈之東北。發於拔爾軋痕蒲達山脈中。流過星宿海。東北入甘肅省之蘭州府。又東北折過寧州府。出長城之外。入于蒙古。環繞鄂爾多斯。至歸化城。又南流入于長城。走山西陝西二省之間。至于孟津

山下。又至陝西省之潼關。東折至于河南省開封府。又東北而貫流山東省。漸注入于渤海。由直隸灣而出。其長約七千八百里。每年洪水汎濫。決堤壞屋。沿岸之民。被其災者。慘苦萬狀。不可勝數。白河者。長城黃河間之大河也。白河即白河之一派。大清河。子牙河。衛河之四水。流至于天津相會。而合為一流。漸注入于渤海。由直隸灣而出。其水道。紆餘曲折。恰若羊腸云。珠江者。一名粵江。南部之大河也。其源發于雲南省之東南部。流至于廣西省潯州府之西北境。與潯江合流。至梧州府。與桂江合流。又東流而入于廣東省廣州府之西境。與北江東江

白河

大河也。白河。

即白河之一派

大清河。子牙河。衛河之四水。流至

珠江

于天津相會。而合為一流。漸注入于渤海。由直隸灣而出。其水道。紆餘曲折。恰若羊腸云。珠江者。一名粵江。南部之大河也。其源發于雲南省之東南部。流至于廣西省潯州府之西北境。與潯江合流。至梧州府。與桂江合流。又東流而入于廣東省廣州府之西境。與北江東江

湖水

洞庭湖

水相會。入于南海。

其湖水之大者。共有四焉。曰洞庭湖。曰鄱陽湖。曰太湖。曰洪澤湖。洞庭湖者。中國第一之大湖也。在湖南省之北隅。東北則屬岳州府及澧州。西南則屬常德府。東南則屬長沙府。龍陽。容華。安鄉。沅江。湘陰。五縣環焉。長約一百八十里。廣約九十里。湖中小嶼。聳峙。鄱陽湖者。古之彭蠡也。在江西之北部。其大亞于洞庭湖。西從南康府。至吳城鎮。東從都昌縣。至饒州府。南則至餘干縣之康郎山。北則從德化縣。至湖口縣。周回約四百八十里。長約二百五十八里。湖約四十里。湖中有小嶼。太湖者。

鄱陽湖

太湖

洪澤湖

古之震澤也。在江蘇浙江之交界。東則屬江蘇之蘇州府。西南則屬浙江之湖州府。北則屬江蘇之常州府。其周回約六百四十八里。湖中亦有小嶋。洪澤湖者。在江蘇安徽之交界。江蘇屬淮安府。安徽屬泗州。長約七十二里。湖中亦有二嶼。

運河

運河者。鑿渠之最大者也。其工程之巨。不啻長城。昔隋煬帝奄有天下。開鑿此河。導揚子江。黃河。白河。三水入其間。其長約一千九百五十里。西南起於浙江之杭州。北至于直隸之天津而盡。其河水之廣狹深淺。處處不一。凡轉輸江淮米粟于北方。皆取道於此焉。

長城

長城者。古來之要塞也。昔秦始皇既吞六國。渾一天下。於是使蒙恬擊胡。築長城。以隔絕匈奴。東起於直隸之山海關。蜿蜒而西。至於甘肅之嘉峪關而盡。延袤約五千里。

沙漠

沙漠者。起於伊犁崑崙山之北部。及天山南路塔里木澤之地。東北至於滿洲黑龍江省呼倫貝爾之界。名曰戈壁。俗稱之謂瀚海。其長約五千一百七十里。廣約九百里。面積約一百二十萬方里。徧地沙磧。磽确難行。中國版圖廣大。地勢不一。是以氣候到處不同。西藏及蒙古之高原。夏則暑甚。冬則寒甚。且空氣乾燥。旱魃之

氣候

三

虐。爲時居多。至於黃河揚子江沿岸一帶。氣候溫和。海風含水。時從太平洋吹至。惟北方之冬。則朔風凜冽。南陲之夏。則暑日薰蒸。其降雨之時。以五六月爲最多。

人文篇

第四章 人文篇

人口

中國之人口。共約四萬二千三百八十五萬。殆居世界人口四分之一。占全亞人口二分之一。今區別其人口。爲本部。滿洲。伊犁。蒙古。西藏。青海六部。與直省二十二外藩三。

本部

本部 四萬零七百七十三萬八千九百十六人

直隸 二千零九十三萬七千人

山東 三千八百二十四萬七千九百人

山西 一千二百二十萬零四千零五十六人

陝西 八百四十五萬零一百八十二人

甘肅 一千零三十八萬六千三百七十六人

四川 六千八百七十二萬四千八百九十人

雲南 一千二百七十二萬一千五百七十四人

貴州 七百六十五萬零二百八十二人

廣西 五百十四萬二千三百三十人

廣東 三千一百八十六萬五千二百五十一人

滿洲	盛京 四百七十二萬四千六百七十四人
	滿洲 五百七十五萬零九百零六人
	浙江 一千一百五十八萬零六百九十二人
	江蘇 二千三百九十八萬零二百三十五人
	安徽 二千三百六十七萬二千三百零五人
	河南 二千五百三十一萬六千八百二十人
	湖北 三千五百二十八萬零六百八十五人
	湖南 二千二百十六萬九千六百七十三人
	江西 二千六百五十三萬二千一百二十五人
	福建 二千二百八十七萬六千五百四十人

伊犁	伊犁 四十萬人
	新疆 一百二十萬人
蒙古	蒙古 二百五十八萬人
西藏	西藏 六百四十三萬三千人
青海	青海 十五萬人
吉林	吉林 六十二萬六千二百三十二人
黑龍江	黑龍江 四十萬人
伊犁	伊犁 四十萬人
新疆	新疆 一百二十萬人
蒙古	蒙古 二百五十八萬人
西藏	西藏 六百四十三萬三千人
青海	青海 十五萬人

然其居民之疎密各地不均。本部最多。滿洲次之。其餘概稀少。

中國之人種。漢種為最盛。其次為蒙古人種。伊犁西部

及青海之一部。往往有高加索種。南海二三嶋。時有馬來種焉。且細觀蒙古人種。則亦有通古斯種。即滿蒙古種。土耳其種。西藏種及苗種之別。漢種在疆域上。占最大多數之地位。十八省而外。延及庫倫。即是蒙古之一部。生喀利阿。即是伊犁之西部等處。通古斯種則居于滿洲及庫倫。土耳其種則居于庫倫。伊犁之西北部。及揚子江之上游地方。西藏種則居于西藏之大半。甘肅本部。西藏之交界。及青海之一部。苗種則居于四川之南部。雲南之西北部。西藏之東北部。及東南隅。南海瓊州嶋之一部。及貴州之高地等處。

漢種

通古斯種

土耳其種

西藏種

苗種

中國人所信之教旨。有儒教。道教。佛教。白蓮教。喇嘛教。回回教。天主教。耶穌教及拜物教。凡九派。儒教者。即五帝三王所行之道。及孔子出。祖述堯舜。憲章文武。以集大成。至孟子繼出。其道更明。其教不語神怪。不談因果。惟以孝悌忠信。禮義廉恥為綱領。道教者。其源出於老聃。其教以制欲養心。虛無恬憺為宗。佛教者。以釋迦為祖。其教以轉迷開悟。脫俗離欲。厭現世。喜冥界為宗。白蓮教者。原因佛教。別開生面。喇嘛教者。亦出自佛教。周末由印度。始入于中國。回回教者。以謨化滅獨為祖。起自亞刺比亞。其教以求長生。說天道。崇神意。懲惡魔為

教旨

儒教

道教

佛教

白蓮教

喇嘛教

回回教

天主教

耶穌教

拜物教

教育

縣學

州學

府學

國子監

官學

宗旨。天主教者。自唐德宗朝始入于中國。元代以後。次第蔓延。其宣教者。法人最多。意人亞焉。耶穌教者。初起于沿海。漸及於內地。其宣教者。概是英美二國之人。拜物教者。崇拜自然物。惟苗種最信奉此教云。

中國之學校。則有縣學。州學。府學。書院。國子監。及官學之別。縣學則在於縣。州學則在於州。府學則在於府。皆是子弟講學之處。國子監則在於北京。凡貴員及死於王事者之八旗子弟。與地方生員之優秀者。皆入學焉。官學則教育旗人之子弟。而禮部尚書。則掌全國之禮制。各省學政使。則管理全省之考試。前年朝廷有求材

學堂

之詔。改八股而為策論。廢武科而設學堂。武又命各省府州縣。建立大中小學堂。而新設管學大臣。總理全國學堂之教育。是以新式學堂。蔚然起於各地。講求實學。養成人才。蓋不少焉。

宮中衙門
宗人府
內務府

北京衙門

內閣
辦理軍機處

外務部

其政治之衙門。分爲宮中。北京及行省三部。宮中衙門。分爲宗人府及內務府。宗人府。則掌皇族之屬籍。凡親疎之族。皆受治焉。內務府。則總理宮中之庶務。掌內三旗之政令。北京衙門。分爲內閣。辦理軍機處。七部衙門。理藩院。都察院等。內閣。掌輔弼皇帝。贊襄庶政。辦理軍機處。掌參贊軍機。傳達諭旨。七部衙門。外務部則掌外

吏部 戶部 禮部 兵部 刑部 工部 理藩院 都察院 行省衙門

國交涉一切之政。吏部則掌中外文職銓敘黜陟之政。整飭官常。以佐邦治。戶部則掌天下土田戶口財穀之政。平準歲時之出納。以均邦賦。禮部則掌禮樂及嘉軍寶興之秩序。學校貢舉之法。以贊邦禮。兵部則掌中外武職。水陸兵營。簡覈軍實。以贊邦政。刑部則掌法律刑名。以肅邦憲。工部則掌天下工虞器用辨物。製造軍裝。鼓鑄泉布。以供邦用。理藩院掌內外蒙古。青海。西藏。回部之政令。控馭綏撫。以固邦翰。都察院掌稽考庶政。傳達綸旨。行省衙門。分爲總督。巡撫。漕運總督。河道總督。鹽政大臣。學政使。布政使。按察使等。其他又有將軍。都

總督 巡撫 漕運總督 河道總督 鹽政大臣 學政使 布政使 按察使 知府 知州 知縣

統。總督則掌統轄軍務。監督民治。督一省或二三省。節制提督以下之文武官。直隸。兩江。陝甘。閩浙。湖廣。四川。兩廣。雲貴。八處。皆設總督。惟山東。山西。河南。三省及滿洲。則無總督。而直隸及兩江總督。兼任南北洋通商大臣。掌外國通商之事。巡撫則掌統轄一省軍務。監督民治。節制總兵以下之武官。漕運總督。掌漕運之事。兼督軍務。置本衙門于江蘇清河縣。河道總督。掌修治江河。兼管軍務。鹽政大臣。掌鹽之政令。學政使。掌各省教育之事。布政使。掌地方錢穀之出納。按察使。掌地方之刑名獄訟。其他。有知府。同知。知州。知縣等官。

兵備

兵備則有陸師水師及湘軍之別。陸師分爲八旗綠旗及勇營。八旗則是因旗幟之色。每旗置都統。各旗之兵。惟以滿人爲之。後復編制蒙古八旗。漢軍八旗。與滿洲八旗相合。爲二十四旗。其數二十萬餘人。其駐在北京者。曰禁旅八旗。分鎮各省者。曰駐防八旗。駐防八旗。則據各省形勝之地。皆有駐防將軍。並有都統。統督駐防旗營。綠旗則以漢人編制之。其旗用綠。駐防于各省。其數四十六萬人。勇營則因髮賊倡亂之際。始募此兵。當時奏大功。今尙存其制。防備於各省。水師則有北洋水師。南洋水師。福建水師。廣東水師。北洋水師者。直隸總

水師

湘軍

督所統轄也。任渤海之邊防。南洋水師者。兩江總督所統轄也。任江口沿岸之守衛。福建水師者。閩浙總督所統轄也。任浙江福建沿海之防備。廣東水師者。兩廣總督所統轄也。任南海之防禦。湘軍一名楚軍水師。防備揚子江一帶。駐紮總兵于湖南之兵州。湖北之漢陽。江西之湖口。江蘇之瓜州及狼山五處。督各水師營。製造兵船者。則有福州之馬尾船政局。上海之江南造船局。及廣州之黃埔船廠。製造兵器者。則有上海之江南機器局。漢陽之槍砲局。山東新城之機器局。江甯之機器局。及其他數處之機器局。製造銃砲彈藥等。以供

造兵廠

軍需。

外交
中國今所訂盟之國約有十七。曰日本。曰朝鮮。曰英吉
利。曰俄羅斯。曰法蘭西。曰德意志。曰意大利。曰澳大利
曰北美合眾國。曰瑞典。曰挪威。曰丹麥。曰荷蘭。曰西班
牙。曰比利時。曰秘魯。曰巴西。使臣駐紮於各國。交際日
密。

產業
中國之物產最多且富。不可枚舉。今分為農產。山林。鑛
物。牧畜。水產。工藝。商業。凡七種。陳說其大概于左。
農產。則以米。麥。高粱為宗。江浙兩省。及江西。湖南。四川。
其產多稻米。滿洲。直隸。山西。陝甘。其產多粟麥。而高粱

山林
則惟滿洲為最多。奉天。牛莊之近傍。其產多豆類。麻。則
南方各省。無地不產。至於茶。則川。雲。湖。廣。江。南。閩。浙。最
多。棉花則江浙。湖北。四川最多。蠶絲則江蘇。浙江。廣東。
四川最多。而野蠶則惟山東。貴州。盛京。山西有之。甘蔗
則兩廣。江西。四川。福建。為最多之處。

礦物
山林。則兩湖。四川。廣西。安徽。閩。浙。江。蘇。河。南。陝。西。等處。
樹木最茂。鬱鬱成林。其中江浙則以楮勝。湖南則以竹
勝。廣西及蒙古。則以松柏勝。川。陝。雲。貴。湖。北。則以漆樹
勝。

鑛物之中。以煤鐵為最。直隸。山東。山西。福建。四川。湖南。

雲南盛京各省產煤最多。鐵礦雖各省皆有。然直隸山東山西湖南產鐵最多。銅則安徽福建山西川雲兩廣雖產不少。然未足以供國人之用也。金則產於直隸甘肅四川兩廣滿洲等處。銀則產於兩廣雲貴河南甘肅等處。錫則以福建河廣湖南雲南山東山西兩廣之產為多。

牧畜

牧畜則以馬牛羊豬鷄鴨為主。其馬有二種。產於蒙古而來於直隸之張家口及山西之殺虎口者。則曰口馬。其產於四川者。則曰川馬。牛則有二種。黃牛則多產於蒙古。水牛則概產于南方之地。羊則有四種。棉羊及山

水產

羊則蒙古最多。中古羊則惟產于蒙古之中古。名地羚羊則惟產於蒙古之阿拉山。猪各省無不養之。其中廣東湖南四川河南江西鎮江最多。雞則各省家家畜之。鴨則南邊多畜於近水之處。沿海各省中。其有名于水產者。惟廣東福建二省。而浙江次之。其海產之大宗。魚翅則產于福建廣東寧波海參則沿海諸省皆有。惟福建為最佳。鮑魚則以廣東為最美。魷魚墨魚產于廣東浙江。而寧波最多。蝦米則產於廣東寧波江蘇之沿海。牛莊近海處。至于大川巨澤。鱉之族亦不少。其中以鱉最為有名。

交通

同 二十四年	出口 一萬五千零七十八兩 進口 一萬三千零七十八兩 合計 三萬零五百五十六兩
同 二十五年	出口 一萬五千零七十八兩 進口 一萬三千零七十八兩 合計 三萬零五百五十六兩
同 二十六年	出口 一萬五千零七十八兩 進口 一萬三千零七十八兩 合計 三萬零五百五十六兩
同 二十七年	出口 一萬五千零七十八兩 進口 一萬三千零七十八兩 合計 三萬零五百五十六兩

而貿易之緊密者。以英日美德四國為翹楚。其出口之貨。以絲綢緞茶糖棉花紙陶器豆類藥材油皮爆竹等為大宗。其進口之物。以棉布鴉片毛布銅鐵洋油煤炭洋傘洋火玻璃海貨砂糖為大宗。

交通情形。道路則北方整頓。車馬可通。南部水路縱橫。舟行頗便。至若蒙古雲貴西藏伊犁等處。或沙磧偏地。

鐵路

或木石當途。道路更險。跋涉尤艱。鐵路從來所已成之線路。惟有從北京至保定。與天津從天津至塘沽。從塘沽至山海關。從山海關至營口。及從上海至吳淞之六線耳。然近年以來。敷設鐵路之議漸起。加有外國之交涉。是以現屬豫設中者。亦不少焉。其中蘆漢鐵路。起于北京城外蘆溝橋。終于湖北之漢口。其中北京順德間及漢口信陽間。現既開通。山東鐵路。起于膠州之青嶋。終于濟南。其中青嶋青州間。現既開通。東清鐵路。有二線。一則從西伯利亞至吉林。一則從海參崴至吉林。二線相會。西南至遼東半嶋之大連灣及旅順口。全線亦

航路

既開通其餘鐵路尙未起工嗚呼鐵路偏于全國萬丈
 蜈蚣蜿蜒噴煙而馳驅者不數年而可待矣航路則分
 爲南洋北洋長江珠江運河及外埠六線而輪船輻輳
 之地則以上海爲中樞焉南洋航路則自上海以南至
 甯波福州廈門廣州香港之間北洋航路則自上海以
 北往來于芝罘大沽或天津營口之間長江航路則是上
 海江甯九江漢口宜昌重慶之間從宜昌至重慶間江水急險巖
 石山沒輪船不通故用民船珠
 江航路則是江口梧州之間運河航路則是杭州蘇州
 鎮江淮安臨津天津之間杭州臨安間
 小輪船往來外埠航路東則至日
 本之長崎神戶橫濱及美洲之各口岸西南則至南洋

郵便

諸嶋及歐洲諸口岸北則至朝鮮之仁川釜山及俄領
 之海參崴其輪船公司盡設于上海埠頭
 郵便之制官設則有郵站私設則有信局外國通商口
 岸則有工部郵政局海關郵政局及外國郵政局郵站
 則歸兵部所總管設局于要衝之地信局則係民人所
 有內地各省無不徧設

電信

電信則通都大邑之間無不敷設電線四徼邊陲轉瞬
 而聲息可通矣外國線路則有從上海至日本之長崎
 或至英領香港與歐洲及南洋之電線相接又從川石
 山越至臺灣之淡水則有海底線從北京至恰克圖俄

西伯利亞之南境。從渾春林省至海參崴。從廣西之鎮南關。至法領東京之動田。從廣東之東興。至東京之蒙開。或從香港經南亞。至土都君士丹丁堡。或經天山南路。噶什喀爾及中亞細亞。遂至俄都聖彼得斯堡。

行省篇

第五章 行省篇

直隸省

直隸

概說

直隸省在本部之東北部。即京都之所在。最為形勝之處。其地東瀕渤海。西接山西。北出長城。連蒙古。南隣河南及山東。面積約三十五萬六千六百五十二方里。人

北京

口有二千一百九十三萬。其地勢西北則陰山脈蜿蜒相連。東南則平原廣濶。田野大開。而運河白河。繼河三水。則流入于渤海。又有大陸澤。天井澤及甯晉湖。氣候夏甚熱。而冬甚寒。物產則以高粱。菽。豆。煤炭。鹽。鐵。果物為大宗。現有府十一焉。

北京 北京在順天府。即帝國之首都也。城中分為內


城外城。外城則周圍四十里。門九。皇城在其中。大內一名紫禁城

亦在其中。帝王居焉。旗人圍繞而護衛之。而內閣及

大小衙門。京都大學堂。各國公使衙門等。皆在其中。市

肆最熱鬧之處。是曰棋盤街。鼓樓大街。外城則計長二

保定府
府內物產



城 景


十八里門七。而天壇先農壇皆在其中。正陽之大街。則肆店櫛比。人馬絡繹。為最繁華之地。其外如景山西苑。圓明園。萬壽山。山水清幽。花木靈秀。實為勝景。鐵路通保定府及天津。府內物產。則有煤炭。果品。豹尾。角弓等。

保定府 保定府在北京

天津


之西南。即直隸省城之所。在也。每年至冬季。則總督駐紮於此。其地當從北京通山西河南之要衝。鐵路自蘆溝橋而來。商賈輻輳。貨物雲集。又有易水。即燕丹別荆軻之處也。物產則有綢。黃芽菜。肉芙蓉等。

天津 天津在白河之左岸。當水陸之要衝。為畿輔



京 北

之門戶。直隸總督駐紮於此。其鐵路一達北京城外蘆溝橋。一經塘沽。至山海關。城之內外。冠蓋相望。輪蹄如織。肆店櫛比。商業甚盛。又有海關及將弁警務兩學堂。至於外國租界地。則在河之南岸。紫竹林。各國領事衙門。郵政局。報館。銀行。皆在焉。其地街道寬平。洋房齊整。路傍樹木。葱鬱成林。貨物山堆。貿易頗盛。其出口之貨。則以荳餅。荳油。棗。皮。毯。草帽。緬羊毛。為大宗。入口之物。則以鴉片。棉布。洋油。糖。銅。海貨。為大宗。于光緒二十七年。統計通商之出入。則有洋銀四千九百四十一萬兩。蓋其繁華。儼如一小滬焉。物產則有鹽。絨。毛。皮。貨。桃。梨。



張家口
張家口在宣化府中。沿長城。而為蒙古之要口。現設關門。課稅貨物。從來與俄通商之地。出口以磚茶。湖北之漢口。江西之九江所產。為大宗。而駱駝。牛馬。毛皮。則來自蒙古。

山東
山東省在本部之東北部。

山東省
張家口
天津
張家口

南接江蘇西北境直隸西南角隣河南北濱渤海及黃海隔直隸海峽與盛京之遼東半嶋相對東則登州半嶋斗出於黃海之中面積約三十二萬五千二百六十方里人口有三千八百二十四萬地勢半嶋則多山然亦不甚高惟有泰山最高聳耳其間原野大開田疇相望水利惟有黃河運河二水交互貫流於其中沿岸則有芝罘即煙台威海衛即英國所租借榮城灣及膠州灣即德國所租借口岸濱海之處又有嶋嶼數座宣聖廟則在兗州府曲阜縣西魯城內即孔子之闕里故宅也氣候溫和夏則稍熱而冬亦頗寒物產則以繭綢紬煤炭豆類海貨爲大宗

現有府十焉。

濟南府

濟南府 在本省之西部黃河之東岸卽山東省城之所在巡撫駐紮於此工藝局亦在焉其地當通京之大路漕河之運道商賈寶旅皆由於此府南之歷山即舜之所耕處也府北新城有機器局物產則有絲綿繭綢陽起石綾棉花梨棗等

芝罘

芝罘 在登州府之北三面負山北臨渤海而無平坦之處實爲渤海之咽喉素築砲塞以備外寇現開港爲外國通商口岸灣內水深至冬不凍是以大船巨艦出入不絕貨物輻輳貿易頗盛其出口之貨則以荳

餅、荳油、草帽、繅、野蠶、繭、綢、
 爲大宗。入口之物，則以鴉
 片、棉布、絨布、洋油、海貨、銅
 煤爲大宗。于光緒二十七
 年統計通商之出入，則有
 洋銀三千七百六十六萬
 兩。外國租界地，則在煙臺
 山之南。高麗、連、蕪、道路平
 廣。而各國領事衙門、郵政
 局及觀象臺，皆在於此。輪



芝罘

船兵艦出入渤海者，必先繫泊於此。其地山水秀麗，風
 土可人，且氣候溫和，是以每年三伏，外人來此而避暑
 養病者，蓋不少焉。

山西

山西
 既說

山西省在本部之北端，東至直隸，西隔黃河，隣陝西，北
 出長城，控蒙古，南界河南，面積約三十四萬零四百十
 六方里，人口有一千二百二十萬。其地勢北則有陰山
 之脈，連亘東西，中央則有大行山脈，糾紛南北，西南則
 黃河環流，陝西之交界，水勢頗急，土地高亢，路皆險阻，
 氣候溫和，夏熱，冬寒最烈，物產則以鹽、鐵、汾酒、鴉

片皮類爲大宗。現有府九焉。

太原府 太原府在本省之中央。汾河之東岸。卽山西省城之所在。巡撫駐紮於此。其地冠蓋相望。實四塞之要衝也。物產則有煤、鐵、鹽、銅、豹、青礬、熊皮、龍骨等。

太原府

河南

河南省

概說

河南省在本部之東北部。東接山東。安徽及江蘇。西界陝西。南接湖北。北隣直隸及山西。面積約四十萬零四千八百二十方里。人口有二千五百三十萬。其地勢東則平野相連。西則伏牛山脈橫臥其間。嵩山最高。黃河流于其北。時有洪水之患。氣候夏則微熱。冬則頗寒。物

則以縐絲、紬、錫果類爲大宗。現有府八焉。

開封府

開封府 開封府在本省之西北部。居于黃河之南岸。卽河南省城之所在。巡撫駐紮於此。水陸交衝。最爲要害。五代梁宋皆都於此。汴之故宮在府內之正北。卽宋之大內也。黃河在府北。其金隄土功最固。物產則有綾、絹、毡、鳳融脂、紅花、石榴等。

江蘇

江蘇省

概說


江蘇省在本部之東端。居於長江之下游。東濱黃海。西接安徽及河南。北境山東。南隣浙江。面積約二十六萬九千二百零八方里。人口有二千三百九十八萬。地勢

平坦沃野千里。盡是富饒之地。長江洋洋貫流於其間。而運河則遠通於南北。又有大小河川交於其間。舟楫頗便。氣候中和。不甚熱。亦不甚寒。物產則以蠶、茶、米、魚、鹽為大宗。現有府八焉。

蘇州府 蘇州府在上海之西。太湖之東。即江蘇省城之所在。巡撫駐紮於此。府城則在吳江之右岸。即古時吳王之都。其地四通八達。交通頗便。而且物產積聚。商賈輻輳。誠為江南之雄都也。城外山水清幽。名勝故跡亦不少。此府近開港為外國通商口岸。外國租界地在吳江之南岸。各國領事衙門。郵政局在焉。其地東則近


接上海。南則達於杭州。是以舟楫如織。往來不絕。而城外又有官立織造局。其出口之貨。則以蠶絲、綢緞、茶、彩、蛋為大宗。入口之物。則以棉布、棉絲、洋油、砂糖為大宗。于光緒二十七年。統計通商之出入。則有洋銀二百三十四萬兩。物產則有紗、羅、綢、緞、布、太湖石、錦、苧、布、彩、箋、蘇扇、玉器、果品、魚類。

江甯府 江甯府一名南京。在長江之右岸。其地即東晉南朝之故都。明之應天府也。城牆高厚。形勢雄偉。誠有龍蟠虎踞之勢焉。兩江總督駐紮於此。又有官立織造局。及江南水師。江南陸師。三江師範諸學堂。其地往



年為髮逆所侵掠。城中荒蕪。一時頗形寂寞。近漸恢復。城之內外。名勝故蹟。指不勝屈。是以文人墨客。往往稅駕於此。近來開港為外國通商口岸。然其租界尚未定也。物產則有絲線。綢緞。茅山蒼朮。鱗魚。上海。上海。在松江府。居長江之下游。吳淞江黃埔

江會流之處。久開港為外國通商口岸。租界地皆在上海縣城之東北。沿江而設。其長約十里。馬路四通。廣坦如砥。且有鐵路。達於吳淞。各國領事衙門。中外郵政局。電信局。海關。水局。會審衙門。報館。銀行。公園等。皆在焉。大廈高樓。聳立市旁。百貨輻輳。車馬紛紜。



上海

入夜電燈煌煌。滿地如晝。其中英租界之大馬路。則豪商富賈。並瓦連甍。四馬路。則茶館酒樓。彈絲擊竹。入耳不絕。最繁華熱鬧之區也。而江上則危檣萬杆。布帆千影。大小舟艦。出入頻繁。其商業之盛。爲中國口岸中之第一。其出口之貨。則以蠶絲、綢緞、茶、糖、陶器、毛皮爲大宗。入口之物。則以鴉片、煤炭、棉布、毛布、洋油、銅鐵、海貨爲大宗。于光緒二十七年。統計通商之出入。則有洋銀一萬一千八百四十二萬兩。實東亞第一互市場也。物產則有綾、三梭布、花毯、鱸魚、鹽、顧繡、鶴、鱗魚、法鈎、天花粉等。

鎮江

鎮江 鎮江在江甯府之東。即鎮江府居於長江之南岸。其地即長江與運河會流之處。頗爲要衝。最爲形勝。江中有二山。一曰金山。一曰焦山。山川清麗。風景絕佳。其地現開港爲外國通商口岸。大小船艦之上下於長江者。必繫泊於此。而租界地。則在西銀山。道路坦然。貨物輻輳。各國領事衙門皆在焉。其出口之貨。則以米穀、豆油、落花生、綢緞爲大宗。入口之物。則以棉布、毛布、海參、糖、洋傘爲最。于光緒二十七年。統計通商之出入。則有洋銀二千七百三十八萬兩。物產則有米穀、落花生、豆類、山羊皮、鎮江綢、草帽、緞、金針、菜等。

安徽省


安徽

概說

安徽省。在本部之東部。東接江蘇。東南界浙江。西隣河南。湖北。南連江西。面積約二十九萬三千零四十方里。人口有二千三百六十七萬。地勢西南則山岳重疊。其餘皆平野。而長江貫流其間。舟楫頗便。氣候溫和。不甚熱。亦不甚寒。物產則以茶、硯、墨、水晶為大宗。現有府八焉。

安慶府

安慶府。在本省之西南部。長江之左岸。即安徽省城之所在。故巡撫駐紮於此。江水環流于府城之三面。三峰鼎立于西。長江北岸。則有孤峯壁立於江中。



安慶

曰小孤山。其間江水隘束。深險可畏。物產則有布、鯉魚、茶、葛粉、茯苓等。

蕪湖。蕪湖在太平府西濱長江。居於鎮江九江之間。現為外國通商口岸。租界地。則有英美領事衙門。其出口之貨。則以米、綢緞、蠶絲、棉、鵝鴨毛、紙為大宗。入口之物。則以鴉片、棉布。

毛布糖海參爲大宗。于光緒二十七年統計通商之出入。則有洋銀一千三百二十八萬兩。物產則有銅、鐵、剪、尊、菜、鱒、魚、銀、硃等。

浙江

浙江省


概說

浙江省在本部之東部。東臨東海。西接安徽及江西南界福建。北隣江蘇。面積約二十三萬六千八百八十里。人口有一千一百五十八萬。其地勢東方沿海。出入極多。南部則南嶺脈之仙霞嶺。由西南來。蜿蜒而走于東北。錢塘江貫流其間。洋洋流入于海。北臨太湖。運河則通蘇州。黃埔江則通上海。水利頗多。而錢塘江外則

有舟山群嶋。點點出沒於海中。氣候夏則甚熱。冬亦頗寒。物產則以蠶、米、茶、魚爲大宗。現有府十一焉。

杭州府

杭州府 在本省之北部。即浙江省城之所。在巡撫及滿洲將軍皆駐紮於此。大學堂、武備學堂在焉。其府城內包吳山。西抱西湖。東南控錢塘江。形



抱西湖。東南控錢塘江。形

三十一

勢雄偉。物產豐裕。舟車不絕。商賈如雲。近開港爲外國通商口岸。租界地則在武林門外。各國領事衙門。郵政局。皆在焉。而西湖則在湧金門外。三面負山。周回二十里。湖水清澄。一碧如鏡。湖畔又有名勝古蹟。風景明媚。不啻仙境。其出口之貨。則以蠶絲。綢緞。茶。紙。扇爲大宗。入口之物。則以棉布。棉絲。鐵類。洋油。砂糖。海貨爲大宗。于光緒二十七年。統計通商之出入。則有洋銀一千二百十萬兩。物產則有綾。紬。綢。緞。羅。紗。棉花。茶。錫。茯苓。果。物。杭扇等。

甯波 甯波。一曰四明。在於甯波府。居於甬江之東岸。

隔江與府城相對。實爲浙東之門戶。東南之要會也。現開港爲外國通商口岸。內外船艦。出入不斷。百貨皆集。商業頗盛。出口之貨。則以棉花。綢緞。藤。團扇。錫爲大宗。入口之物。則以綿布。毛布。洋油。糖爲大宗。統計光緒二十七年中通商之出入。則有洋銀一千六百九十六萬兩。物產則有蠶絲。魚。鹽等。

溫州

溫州 溫州。在於溫州府。居於甌江之南岸。東居大海。西際重山。利兼水陸。頗爲形勝。現開港爲外國通商口岸。其出口之貨。則以茶。礬。筍。藥材。煙葉。橘子爲大宗。入口之物。則以鴉片。棉布。毛布。銅鐵。洋油爲大宗。所惜者。

貿易尙未盛耳。統計光緒二十七年中通商之出入。則有洋銀一百四十六萬兩。物產則有甌綢、橘子、牛皮、鐵紙等。

江西

江西省在本部之東南部。東接浙江及福建。西隣湖南。南境廣東。北連湖北及安徽。面積約四十三萬六千六百八十方里。人口有二千三百五十三萬。地勢三面環山。惟北方開濶。長江貫流其間。鄱陽湖則在其北部。諸水皆注入之。其最大者爲贛江。舟楫頗便。氣候夏則酷烈。冬亦嚴寒。物產則以磁器、茶、麻、紙張爲大宗。現有府

十三焉。


南昌府 南昌府在於本省之北部。居於贛江之右岸。即江西省城之所在。故巡撫駐紮於此。而鷓鴣山高聳於江上。南昌山亦峙於江外。贛江發於豐城縣。流入於鄱陽湖。輪船亦通於九江。物產則有紙、葛布、鶴、茶、苧布等。

九江 九江在九江府。居於長江之右岸。現開港爲外國通商口岸。租界地在府城之西。英美領事衙門、銀行、輪船局皆在焉。其出口之貨。則以茶、紙、麻、煙草、瓷器爲大宗。入口之物。則以棉布、鴉片、絨色布、銅鐵、海貨爲大

江西
概說

南昌府

九江



宗統計光緒二十七年中
通商之出入。則有洋銀一
千六百八十六萬兩。城外
有廬山香爐峰等名勝。物
產則有鱸魚、石耳、石斛、雲
母等。

湖北

湖北省。在于本部之中央。
東接安徽。西界四川及陝
西南。隣江西及湖南北。連

河南面積約四十二萬六千二百四十方里。人口有三
千五百二十八萬。其地勢西北則北嶺山脈蜿蜒連亘。
東方則平野廣濶。長江漢水貫流其中。且有湖沼。舟楫
甚便。氣候夏則酷熱。冬則嚴寒。物產則以麻、棉、絲、茶為
大宗。現有府十焉。

武昌府 武昌府在本省之東南部。長江之南岸。即湖
北省城之所在。湖廣總督及湖北巡撫皆駐紮於此。其
地隔江與漢陽及漢口相對。頗占形勝。又有武備。自強
師範。農務。工務。各學堂。及銀元。織布。紡紗。繅絲。藏布五
局。其地當九省之要衝。五方雜處。城市繁華。近年開港

武昌府


漢口

以為外國通商口岸。然租界地。尚未定也。物產則有火紙、獺、鱒、魚、新竹、茶、水晶、鐵、麻等。

漢口。在漢陽府。長江之北岸。隔江與武昌城相望。又隔漢水。與漢陽府城相對。為天下四大鎮之一。

一。即是河南之朱仙。江西之景德。廣東之佛山。及漢口。亦

湖廣重險之一。其地輪船



武昌漢口

沙市

來往商旅如雲。現開港為外國通商口岸。租界地。則在沙市北隣。街路廣闊。樓屋壯麗。各國領事衙門、郵政局、製茶局。皆在焉。而鐵政局。則在漢陽府大別山下。盛鑄鐵材。又製銃炮。其地貿易之隆盛。亞於上海。其入口之貨。則以鴉片、棉布、棉絲、銅、砂糖、海參、洋傘為大宗。出口之物。則以茶、豆、麻、絲、煙草、白蠟為大宗。統計光緒二十七年中通商之出入。則有洋銀六千二百二十一萬兩。物產則有茶、牛油、銅器等。

沙市。沙市。在荊州府。長江之北岸。當水陸之要衝。貨物輻輳。俗呼之謂小漢口。現開港為外國通商口岸。租

界地在城市之南。日本領事衙門、郵政局、輪船局等皆在焉。其出口之貨則以落花生、麻、棉花、鷄卵、蠶絲、漆、煙草、毛皮為大宗。入口之物則以棉布、棉絲、毛布、銅、海貨為大宗。統計光緒二十七年中通商之出入則有洋銀一百一十一萬兩。

宜昌

宜昌在宜昌府長江之北岸。據水陸之要衝。當入蜀之咽喉。現開港為外國通商口岸。租界地在于南門外。英國領事衙門、輪船局皆在焉。輪船由漢口溯江而來者頗不少。其出口之貨則以棉、麻、麝香、大黃、白蠟、藥材、絹布為大宗。入口之物則以棉布、棉糸、毛布、人參

海參為大宗。統計光緒二十七年中通商之出入則有洋銀二百六十三萬兩。物產則有麻、棉、蠶絲等。

湖南


湖南

概說

湖南省在本部之南部。東接江西。西界貴州及四川。南隣兩廣。北連湖北。面積約四十四萬九千六百四十方里。人口有二千二百十六萬。地勢則南嶺山脈。蜿蜒從西南而來。中央有衡山。特出其間。洞庭湖在其北部。沅江、資水、湘江皆流入于湖。遂達于長江。舟楫頗便。氣候順良。物產則有赤金、陽鐵、煤炭、麻布、米、茶等。現有府九焉。

長沙府

岳州



岳州

長沙府 長沙府在本省之東部。據湘江之東岸。即湖南省城之所在。巡撫駐紮于此。其地有湘江環城而流。五方雜處。商務殷繁。頗為形勝。物產則有鐵、鉛、硃砂、水銀、茶、玉、面、狸、葛布、班竹等。

岳州 岳州在岳州府。據洞庭湖之東岸。形勝利便。

四川省

概說

府城之門樓。即岳陽樓。朝暉夕陰。風景絕佳。近開港為外國通商口岸。統計光緒二十七年中。通商之出入。則有洋銀四十萬兩。物產則有鐵、茶、方竹、魚類、松米等。

四川

四川省。在本部之西部。東接湖廣。西界西藏。南連雲貴。北至陝甘。面積約一百萬零九千一百八十八方里。人口有六千八百七十二萬。其地勢。大山則有雪山脈。及北嶺脈。縱橫其間。大水則有揚子江、岷江、嘉陵江。嘉陵江皆貫流于內。而湖北交界。則有巫峽之險。陝西交界。則有蜀道之難。氣候。夏則甚熱。冬則微寒。物產則有

成都府

金銀鐵煤油鹽藥材綉綾鴉片現有府十一焉。
成都府 成都府在本省之西南部據岷江之東岸即四川省城之所在。總督駐紮于此。高等學堂師範學堂武備學堂機器局皆在焉。其地為蜀漢之故都。不乏名勝。武擔山則在府北。即昭烈帝即位之處也。又有天回鎮。即玄宗帝回鶻之處。物產則有麩金錦綾羅棉綢紙茶鹽等。

重慶

重慶 重慶在重慶府。據嘉陵江與長江會流之處。形勢雄偉。實為全蜀之咽喉。現開港為外國通商口岸。各國領事衙門郵政局電信局等皆在焉。其出口之貨則

陝西省

以鴉片藥材紅花蠶絲絹布白蠟為大宗。入口之物則以棉布毛布棉絲海物為大宗。統計光緒二十七年中通商之出入。則有洋銀二千四百二十六萬兩。物產則有茶絲絹麻銅鐵等。

陝西

陝西省在本部之西北部。



概說

第五卷 行省編 陝西

三十七

東接山西及河南。西界甘肅。南隣湖北及四川。北控蒙古。面積約四十萬零七千八百零八方里。人口有八百四十五萬。其地勢。則有巴山山脈。連互其南境。秦嶺山脈。橫斷其中間。其間華山最高。而長城則圍繞其北部。黃河則流于山西之交界。受渭水之流。氣候。夏則微熱。冬則甚寒。物產則以驢羊藥材。苧麻為大宗。現有府六焉。

西安府

西安府 在本省之中央。為四塞天險之地。即陝西省城之所在。巡撫駐紮于此。古為長安。漢唐之故都。多舊蹟。渭水流于北。終南山聳于南。城中五方雜處。

貨物輻輳。物產則有玉毡。紅花。澤瀉。銅鐵。羊皮等。

甘肅

甘肅省
概說

甘肅省。在本部之西北部。東接陝西。西隣青海。南界四川。北屬蒙古。而西北一角。則遠出塞外。斗入蒙古新疆。青海之間。面積約七十五萬九千零二十四方里。人口有一千零三十八萬。其地勢。北則祁連山脈。蜿蜒相連。南則岷山山脈。綿綿橫臥。黃河及支派。貫流其間。舟楫頗便。而長城則圍繞于北。嘉峪關在其西北隅。氣候。夏微熱。冬嚴寒。物產則以鹽。魚。金銀。藥材為大宗。現有府九焉。

蘭州府

蘭州府 在本省之中央。據黃河之南岸。陝甘總督巡撫駐焉。而阜蘭山則聳于府南。黃河亦流于其北。形勢利便。實為險要。物產則有毡、褐、涼帽、纓、樺皮、水烟、羊皮、礪砂等。

福建

福建


福建省。在本部之東南端。東隔臺灣海峽。與日本之臺灣相對。西界江西。南連廣東。北接浙江。面積約二十三萬二千九百二十方里。人口有二千二百八十七萬。其地勢則多山嶽。而少平野。閩江橫流其中。洋洋注入于海。氣候則夏甚熱。而冬微寒。物產則以麻布、茶、絲、油、糖。

概說

福州府

鹽材木為大宗。現有府十焉。

福州府 在本省之東部。居閩江之左岸。即福建省城之所在。為南方險要之處。閩浙總督及福建巡撫駐紮於此。海口築砲臺。以備邊防。又有艦隊亦駐屯於海口。而馬尾則有船政局及水師學堂。現




福州

開港以爲外國通商口岸。租界地在閩江之南岸。曰南臺。隔江與府城相對。各國領事衙門、銀行皆在焉。其間百貨輻輳。貿易頗盛。其出口之貨。則以茶、紙、竹、材、木、煙草爲大宗。入口之物。則以鴉片、棉布、毛布、海貨爲大宗。統計光緒二十七年中通商之出入。則有洋銀一千四百四十三萬兩。物產則有鹽、鐵、香、菰、龍眼、橄欖、茶、羊桃、筍、鹿角等。

廈門 廈門在漳州府閩頭灣中。爲海島。周回三十六里。又有群嶼棋布。風景如畫。現開港爲外國通商口岸。其市街負山面海。洋商皆居于廈門。而各國領事衙門、郵政局皆在于鼓浪嶼。

出口之貨。則以糖、茶、紙、夏布爲大宗。入口之物。則以米、鴉片、棉布、毛布、荳類爲大宗。統計光緒二十七年中通商之出入。則有洋銀一千四百七十一萬兩。物產則有落花生、蕃薯、海貨等。

廣東



廣東省

第五卷 行省編 廣東 四十一


概說

廣東省在本部之南端。東接福建。西界廣西及東京。法南臨南海。北隣江西及湖南。面積約四十八萬零七百零八方里。人口有三千一百八十六萬。其地勢則多山岳。而珠江貫流其間。入于南海。沿岸皆平野。水利頗便。雷州半嶋。斗出于海中。過海峽則有瓊州嶋。即海而珠江口外則有香港。英海角則有九龍及澳門。葡氣候不良。多風濕。夏熱最甚。冬亦溫暖。物產則以麻布絲綢蜜糖鹽油葵扇為大宗。現有府九焉。

廣州府

廣州府 在本省之中央。居於珠江之北岸。即廣東省城之所在。兩廣總督及巡撫駐焉。其地為南方

貿易之中樞。市街繁昌。商業頗盛。現開港為外國通商口岸。租界地。在府城之南端。珠江之岸頭。曰沙基。一名沙面各國領事衙門。輪船局。皆在焉。其出口之貨。則以絹糸。糖。白銅。蔞蓆。藍。茶。煙草。藥材。琥珀為大宗。入口之物。則以鴉片。棉花。鉛塊。黃銅為大宗。統計光緒



廣州

中國地理學 第五卷 行省編 廣東 四十一

二十七年中通商之出入。則有洋銀五千九百九十九萬兩。物產則有鹽、鐵、銅、錫、紫、檀、龍眼。

汕頭 汕頭在潮州府中。據韓江即江之左岸。崖岸壁立。頗為奇觀。現開港為外國通商口岸。人民輻輳。商業殷盛。租界地。則有各國領事衙門、銀行、公司。其出口之貨。則以糖、錫器、海貨為大宗。入口之物。則以棉布、棉絲、毛布為大宗。統計光緒二十七年中通商之出入。則有洋銀四千四百四十二萬兩。物產則有糖、海貨等。

廣西

廣西省在本部之南端。東接廣東。西至雲南。南隣廣東

及東京。法北連湖南及貴州。面積約四十七萬三千四百三十六方里。人口有五百十四萬。其地勢雖多山岳。而西江貫流其間。受桂江潯江之水。舟楫頗便。氣候不良。多瘴氣。甚熱甚寒。物產則以竹木、硃砂、銅、鐵為大宗。現有府十焉。

桂林府 桂林府在本省之東北隅。居於桂江之岸。即廣西省城之所在。巡撫駐紮於此。其地有桂山。高聳於東。有湘灘。二水貫流于間。物產則有銅、銀、硃砂、玉石、葛布、零陵香、桂心等。

梧州 梧州在梧州府西江之左岸。為三江之孔道。兩

廣之咽喉。近開港為外國通商口岸。然租界地域。尚未劃定也。統計光緒二十七年中。通商之出入。則有洋銀七百四十九萬兩。物產則有波羅蜜、石英、龍眼、荔枝、嘉魚、檳榔等。

貴州省

貴州

概說

貴州省在本部之西南部。東接湖南。西至雲南。南隣廣西北界四川。面積約三十九萬零五百六十四方里。人口有七百六十五萬。地勢則有南嶺山脈。綿亘其間。崇山峻嶺。重疊相連。水利則惟有烏江及玩江之上流。貫入于其中耳。氣候不順。瘴氣甚多。物產則以絲、漆、煤炭。

貴陽府

油、桐子、硃砂、藥材、鴉片為大宗。現有府十二焉。

貴陽府在本省之中央。即貴州省城之所在。巡撫駐紮于此。大學堂、武備學堂在焉。其地複嶺四塞。常為盜藪。物產則有茶、馬、蘭花、硃砂、水銀、鹽、鐵等。

雲南省

雲南

概說

雲南省在本部之西南隅。東接貴州及廣西。西界西藏及緬甸。英領南隣安南。法領及暹羅。北至四川。面積約六十五萬三千二百五十六方里。人口有一千二百七十二萬。其地勢雪山及南嶺二脈。縱橫蟠屈。而金沙江、怒江、瀾滄江、盤江皆貫流其間。惟諸水險急。不便行舟。又有

滇池洱海二湖亦屬有名。氣候不良。夏暑尤酷。冬寒甚微。物產則以金銀銅玉鹽茶藥材鴉片爲大宗。現有府十四焉。

雲南府

雲南府。在本省之東部。據滇池之岸。即雲南省城之所在。雲貴總督及巡撫皆駐紮於此。其地百貨雲集。商業頗盛。物產則有鹽茶牛黃銀硃金線巨竹毡等。

蒙自

蒙自。在臨安府。據盤江之上流。地皆平野。其勢頗高。現開港爲外國通商口岸。爲東京陸路之互市場。租界地。則有法國領事衙門及稅關等。現雖貿易未盛。

然統計光緒二十七年中通商之出入已達于六百八十一萬兩矣。

盛京


盛京

概說

盛京省。一名奉天在滿洲之西南部。東隔鴨綠江。與朝鮮相隣。西北界直隸。東北接吉林。而西南一帶。則濱渤海及黃海。面積約五十四萬六千八百七十六方里。人口有四百七十二萬。地勢則有長白山脈。從東北而西南。走過遼東半島。曰千山山脈。摩天嶺高聳于中。遼河流于其西南。由遼東灣而注入渤海。山海關在其西南。長柵亦繞其西北。氣候暑氣甚酷。冬寒亦烈。物產則以豆粱

奉天府

營口



煙草獸皮為大宗。

奉天府 奉天府在本省之西部。據瀋河之北岸。即是國朝發祥之地。現為盛京省城。將軍副都統駐紮於此。城壁堅固。市街熱鬧。頗為形勝。物產則有獸皮、煙草、菜穀等。

營口

營口 俗曰牛莊 在牛莊

城之南。瀋遼河口之左岸。

當奉天之咽喉。現開港為外國通商口岸。租界地在其東部。曰東營子。各國領事衙門、郵政局皆在焉。其地商舖列。貿易頗盛。其出口之貨。則以豆餅、豆油、獸皮、人參為大宗。入口之物。則以棉布、糖、紙、陶器、綢緞為大宗。統計光緒二十七年中。通商之出入。則有洋銀四千二百二十六萬兩云。

吉林

吉林省
概說

吉林省在滿洲之東南部。東隔烏蘇里江及興凱湖。接俄領西伯利亞之沿海州。西控蒙古。南因圖們江。界朝鮮。北隔松花江。隣黑龍江。面積約四十七萬四千八百

吉林府

百七十六方里。人口有六十二萬。地勢則有長白、完達二山脈。蜿蜒走于其東。松花江上流及湖爾哈二水亦貫流其間。氣候寒暑皆甚。物產則有參、鬚、人參。

吉林府 吉林府在本省之西南部。據松花江之左岸。即吉林省城之所在。將軍、副都統皆駐紮于此。其地城郭環繞。人家稠密。百貨輻輳。貿易頗盛。又有船廠及機器局。

黑龍江

黑龍江省
概說

黑龍江省在滿洲之西北部。東北隔黑龍江與俄領西伯利亞之黑龍州相對。西界西伯利亞及蒙古。南隣蒙

齊齊哈爾

古及吉林。面積約一百二十七萬零零八十方里。人口有四十萬。地勢則與安嶺山脈。蟠屈于西部。黑龍、松花二江貫流其間。氣候夏則甚暑。冬則甚寒。

齊齊哈爾 齊齊哈爾在本省之南部。據嫩江之左岸。即黑龍江省城之所在。將軍、副都統駐紮于此。城市繁昌。交易殊盛。物產則有馬鞍及瑪瑙烟管。

新疆

新疆省
概說

新疆省在中國之西端。西北因葱嶺及天山。接蒙古及中亞細亞。東南因喀喇崑崙及崑崙兩山脈。接喀什密爾、西藏、青海及甘肅。面積約三百四十九萬二千方

里人口有一百二十萬。地勢則有天山山脈橫臥其中。伊寧河則流其北。塔里木河和閩河則流其南。羅布湖亦在其東。其地大半是沙漠。茫茫無涯。偏地沙磧。氣候則夏甚熱。冬甚寒。物產則以家畜珠玉金銀為大宗。迪化府一曰曰木必在本省之北部。當四通之要衝。即新疆省城之所在。巡撫駐紮于此。其地市街整齊。舖店相連。誠塞外之要地也。

外藩篇

第六章 外藩篇

蒙古



蒙古在中國之北端。為外藩。東接滿洲。西界甘肅及新疆。南隣直隸。山西及陝西。甘肅。北屆西伯利亞。而積約七百九十二萬方里。人口有二百五十八萬。其地勢北境則有阿爾泰山脈。南境則有崑崙山脈。蜿蜒遠連。而興安嶺接於其中間。色楞格河流于北。吉

外藩篇 蒙古 四十七

蘭泰湖在其南。而戈壁沙漠。茫茫渺渺。縱貫其中。盡是不毛之地。氣候冬則寒威凜烈。夏則暑氣薰蒸。而且狂風起處。捲沙撲人。行旅甚艱。物產則有牛馬豕羊駱駝等。

庫倫

庫倫。在于色楞格河支流土拉河之畔。為蒙古之首府。辦理大臣駐紮于此。其地喇嘛教盛行。寺院頗壯麗。

賣買城

賣買城。在其北境。據色楞格河之岸。與俄領西伯利亞之恰克圖相近。為與俄國通商之陸路互市場。亦要害之區也。

青海

青海

概說

青海在中國之西端。亦屬外藩。東接四川及甘肅。西屆新疆。南至西藏。北連甘肅。面積合西藏計三百九十六萬方里。人口有十五萬。地勢則有巴顏哈喇山脈。橫貫于中央。而長江黃河之源。皆發于此山脈中。又柴達木河及青海星宿二湖。皆在其間。氣候寒氣凜烈。物產則以犛牛。鑛物為大宗。


西藏

西藏

概說

西藏在中國之西端。亦屬外藩。東接雲南四川。西界印度之噶什密爾。南隣印度之藩坦。及維模爾。北屆新疆。

喇薩



喇薩

青海面積合青海計約三百九十六萬方里。人口有六百四十三萬。地勢高燥。直立海上二萬五千尺。實為世界第一之高地。又其南則有殺樸痕河及喜馬拉山脈。其東則有雪山脈橫過。氣候寒氣極烈。物產則有犛牛、馬、山羊等。

喇薩 在殺樸痕河

之北岸為西藏之首府。辦理大臣及大喇嘛。喇嘛教之首長皆駐於此。其地市街熱鬧。寺院亦壯麗。

中國地理課本終

中國各外國通商口岸貿易一覽表(光緒二十七年
之海關調查)

上海	一萬二千八百四十二萬五千七百七十六兩(海關兩)
漢口	六千二百二十一萬九千六百九十八兩
廣州	五千九百九十九萬零二百六十四兩
天津	四千九百四十一萬一千四百二十三兩
汕頭	四千四百四十二萬五千七百四十五兩
營口	四千二百二十六萬二千二百零九兩
芝罘	三千七百六十六萬零五百十兩
鎮江	二千七百三十八萬九千二百十六兩
重慶	二千四百二十六萬八千七百二十八兩

甯波	一千六百九十六萬四千二百五十五兩
九江	一千六百八十六萬三千二百一十一兩
廈門	一千四百七十一萬九千零五十八兩
福州	一千四百四十三萬二千五百十六兩
蕪湖	一千三百二十八萬九千七百五十二兩
杭州	一千二百一十萬零五千六百六十七兩
梧州	七百四十九萬六千二百四十三兩
蒙自	六百八十一萬五千二百七十三兩
江甯	四百六十二萬零七十七兩
瓊州	四百四十二萬九千八百六十六兩

北海	四百二十二萬一千八百九十七兩
宜昌	二百六十三萬八千九百五十五兩
三水	二百六十萬零七千四百六十六兩
蘇州	二百三十四萬五千零七十兩
溫州	一百四十六萬零七百八十九兩
三都澳	一百二十四萬七千零三十九兩
沙市	一百一十一萬二千六百零九兩
岳州	四十萬零零五百零九兩
思茅	二十四萬四千六百四十九兩
龍州	十六萬四千四百九十四兩

184
241

明治三十六年九月十三日印刷
明治三十六年九月十六日發行

不許
翻刻

著作者

辻

武

雄

印發
刷行
者兼

株式會社普及舍

東京市日本橋區吳服町一丁目

代表者

取締役

中

川

九
耶

東京市日本橋區吳服町登番地

發兌元

株式會社普及舍

